

ԻՇԽԱՆԱԶՆ ՎԱՀՐԱՄ ԴԱԴԵԱՆ

Նորերս Պարսից շահի կողմից արքայական վարձատրութեան է արժանացել հայազգի իշխանազն Վահրամ Դադեանը, որ Տաճկաստանում յայտնի պետական գործիչ Աթին-Փաշա Դադեանի եղբորորդին է։ Հետաքրքրական է իշխան Դադեանի վիճակը, որ 1892 թ. փախուստ տալով Տաճկաստանից գալիս է Պարսկաստան, պաշտպանութիւն է գտնում և մեծ աստիճանների ու շնորհների արժանանում շահերի կողմից։

Իշխան Վահրամ Դադեանը, Տաճկաց արտաքին գործերի նախարարի օգնականի եղբորորդին, ամուսնացած լինելով ունեւարացի գեներալ զրաֆ Սէյէնի աղջկայ հետ՝ պետական պաշտօն ունէր Տաճկաստանում։ Բայց յայտնի չէ թէ ինչ պատճառներից կասկածուելով՝ իբրև թէ մասնակից է հայկական գործերին, Սուլթանի տհաճութեանն արժանացաւ և աւելի լաւ համարեց թողնել Վ. Պօլսու։ 1892 թ. իւր ամուսնու հետ նա եկաւ Թեհրան և պորսկահպատակութիւն ընդունելով՝ մտնում է պետական ծառայութեան. ինչպէս հանգուցեալ Նասրէդինը այնպէս և այժմեան շահը ողորմած աչքով էին նայում նրան և դանազան պաշտօններ յանձնելով՝ հասցրին գեներալութեան և շահի աղիւտանտութեան։ Այժմ իշխան Դադեանը սպախաւորի առանձին յանձնարարութեանց պաշտօնեայ է։

Այս օրերս իշխանազն Վահրամ Դադեանը ստացել է շահի հետևեալ ֆիրմանը.

«Մենք օգնութեամբն ամենակարողն Աստուծոյ Մուզաֆէրէդդին, Շահնշահ Իրանի, յայտարարում ենք. ի նկատի ունենալով այն հանգամանքը, որ մեր հաճելի պարտքն է վարձատրել մեր հաւատարիմ ծառաների աշխատանքն ու ծառայութիւնները և որովհետև բարձրաստիճան և մեր պալատին մերձաւոր իշխան Վահրամ Դադեանը, մեր գեներալն ու անձնական աղիւտանտը իւր ծառայական պարտաւորութիւնները կատարելիս գերազանց հանդիսացաւ,—ինչպէս որ հաղորդեց մեզ այդ մասին մեր աչքի լոյս մեծ էմիրն ու Սարգարը, մեր սպախաւորը և պատերազմական նախարարը,—մենք ի հետեւումն մեր մեծ վէզիր Աթաբէգի առաջարկութեան իշխան Վահրամ Դադեանին շնորհում ենք սուր երկրորդ աստիճանի, զարդարուած շողակներով, որպէս զի նա աւելի մեծ եռանդ ցոյց տայ իւր ծառայութեան ասպարիզում և մեր գահին նուիրուելու գործում։ Տուած է շաբան ամսին. 1320 թ.։»

Ս. ԷՋՄԻԱՇՆԻ ՏԱՃԱՐԻ ՎԵՐԱՆՈՐՈՒՈՒԹԻՒՆ.

Վեհափառ Հայրապետը Թիֆլիս եղած ժամանակ հաճե-